

Dilecto Filio
EDUARDO FREI MONTALVA
Chiliensis Reipublicae
Praesidi

PAULUS PP. VI

Dilecte Fili,
salutem et Apostolicam Benedictionem

Cum perlatus ad Nos fuerit nuntius, Te, qui iam fuisti ad supremum istius Nationis Magistratum evectus, proxime Chiliensis Reipublicae Praesidem solemniter inauguratum iri, Venerabilem Fratrem Iosephum Paupini, Archiepiscopum titulo Sebastopolitanum in Abasgia, Nostrum Legatum per has litteras nominamus, ut personam Nostram gerens, postquam Te Nostris verbis salvere iusserit, Tibi per susceptum amplissimi huius muneric cursum salutaria omnia ac prospera ominetur. Peculiarique modo a Deo exoptamus precamurque, ut quod initurus es officium, in carissimi Chiliensis populi bonum feli- citer cedat.

Caelestia interea uberrimaque munera Tibi Tuisque omnibus, dilecte Fili, a supernae lucis supernorumque donorum Datore suppliciter petimus, quorum auspex est Apostolica Benedictio, quam Tibi peramanter in Domino impertimus.

Datum Romae, apud Sanctum Petrum sub Anulo Piscatoris die X mensis Octobris, anno MCMLXIV, Pontificatus Nostri secundo.

PAULUS PP. VI